

Dal Zante, di sier Zuan Francesco Badoer proveditor, di 6 April. Come adì 2 zonse il Capitanio Zeneral con galie li vien di Napoli di Romania, et ha cargato biscoto sopra le galie che lui li havia preparato, et partiria per Corfù.

Da poi disnar, fo Pregadi et vene queste lettere:

Di Vicenza, di sier Carlo Contarini proveditor zeneral, di 19, hore . . . Come è stato atorno la terra col Capitanio Zeneral, Podestà et il Capitanio et domino Antonio di Castello, et scrive la gran penuria del viver. Bisogna far provision volendo fortificar la terra, et a li fanti bisogna siano capi sufficienti.

Item manda una lettera hauta di Verona, di 18, del Capitanio del Lago, qual scrive cussi:

Magnifice et clarissime Domine colendisime.

180 El presente lator è uno di le maistranze mandai sopra le fuste, qual vien per tore li denari per li compagni. Vostra magnificètia si degnù far far una lettera che lui conzerà quelle bombardele di fero, per saperle conzar etc. Da le parte di sopra, per quelli vieneno da Ispruch et Trento dicono che il giorno di San Zorzi si darà principio a dar danari a 12 milia fanti, et comenzerano venir a la volta di Trento questo mese, et voler venir a li lochi nostri. Il conte Girardo si atrova a Peneda con 3 capitani et va da Trento a Peneda, et heri ha mandato uno caro de archibusi numero 400. Vostra magnificètia è sapientissima, farà il iudicio li parerà; a la qual mi ricomando.

Veronae 18 April 1528.

Di Vicenza, di sier Zuan Antonio da chà Taiapiera capitano, di 19, hore 2, particular. Come hozi il signor Duca ha cavalcato a veder il tutto con il Podestà, Proveditor Zeneral et io, et domino Antonio di Castello et inzegneri. Dimane tengo si delibererà quello si ha a far. Di novo, di le parte di sopra ho, per certe lettere che uno scrive a uno mio amico dal confin, che l'havea inteso esser gionti a Ala cavalli 500, a Bolzan bandiere tre di fanti, et a Trento intertenevano quelli che vogliono soldo; ma per adesso non gli dano altro che le spexe. Aspetto di hora in hora più certi avisi et li notificherò.

Del duca di Ferrara fo letto una lettera, da Ferrara, di . . . al suo orator. Come ha nuova da Orvieto, che il Zuoba santo il Papa usò le cerimonie solite di scomunicar etc. *Item* quelli

hano sachizà Roma, et le suspension fo fate le rimuove; ma ben, perchè il cardinal Colona havia la legation di la Marca et fu morto il suo comissario, vol la ge sia restituita; et Soa Santità ha tolto cantori et altri, et rinova la corte et spera haver la roca di Viterbo dove vol andar. *Item*, si ha di Napoli di primo, come quella terra era in confusion, et quelli potevano mandavano la sua roba a Ischia etc.

Et compito di lezer le lettere, sier Zuan Dolfin avvocato extraordinario andò a la Signoria dicendo è morto sier Alvise Bon el dottor avogador di comun, et toca a lui a intrar. Et visto la leze, che li Avogadori extraordinarii dia star uno anno almen da basso, fo per li Consieri ballotato, et tutte le balote di no che'l non intrasse, et fo stridà far Domenega uno Avogador di Comun.

Fu posto, per li Consieri, Cai di XL, et Savi, expedir sier Marco Foscarei va Proveditor zeneral in brexan et brexana, *videlicet* per spexe di do mexi ducati 280, per cavalli ducati 140, per il secretario ducati 30, per forzieri et coverte ducati 30; *item* possi portar con se argenti per ducati 400 iusta il consueto.

Noto. In el comprar di cavalli, fo dechiarido che ducati 40 sia per uno per la sua persona, 20 per il secretario, et 10 per la fameia. Ave: 163, 3, 0.

Election di 8 deputadi a la custodia di Verona 180 iusta la parte.*

Sier Zorzi Contarini fo proveditor sora	
i extimi, qu. sier Lorenzo . . .	29.178
† Sier Ambruoso Contarini fo patron di	
la fusta, qu. sier Andrea . . .	126. 81
† Sier Iseppo Badoer el XL Criminal, qu.	
sier Bernardin . . .	134. 76
Sier Lunardo Malipiero di sier Hiro-	
nimo, fo di sier Piero . . .	52.156
† Sier Agustin da Canal fo proveditor a	
Roman, qu. sier Polo . . .	140. 76
† Sier Almorò Barbaro savio ai ordeni,	
di sier Alvise . . .	125. 89
Sier Zuan Loredan qu. sier Tomaso	
da San Canzian . . .	70.137
Sier Domenego Morexini fo podestà a	
Portogruer, qu. sier Zuanne . .	69.140
Sier Zacaria Zantani fo camerlengo in	
Cypri, qu. sier Zuane . . .	100,111